


Biblia alang sa Kabataan motanyag

Ang Katingalahang mga Pagbiyahe ni Paul



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho


Gipagawas sa: Bible for Children
www.M1914.org


©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

Si Pablo ug Silas, mga sulugoon ni
Jesus, anaa sa prisohan.


Wala, wala silay nahimo nga
daotan - nagpagula sila ug
demonyo gikan sa usa ka
babaye. Ilang gipakita sa
mga tawo nga nagsimba sa
idolo nga nagpuyo sa Filipos
ang gahom sa matuod nga Diyos
ug sa Iyang
Anak nga
si Jesus.
Tungod niana sila
gidakop, gibunalan,
ug gipriso.






Mahimong magdahom ka nga si Pablo ug Silas masuko ug mapait. Apan wala sila.

3




Sa pagkatinuod, sa tungang gabii sila nanglingkod nga nag-awit ug mga himno sa pagdayeg sa Diyos! Ang tanang ubang mga binilanggo ug ang magbalantay sa bilangoan nakadungog kanila.

4




Sa kalit, mihunong ang pagkanta. Ang Dios nagpadala ug LINOG aron matay-og ang prisohan. Giablihan ang tanang pultahan. Ang mga kadena sa tanan nangatangtang.

5



Oh - oh! Ang magbalantay sa prisohan nakasiguro nga ang tanang mga binilanggo nanagan sa kaguliyang. Kon bisan usa ang makaikyas, ang magbalantay sa prisohan silotan sa kamatayon. Sa ikasubo, giibot sa kabos nga magbalantay sa prisohan ang iyang espada. Mahimong patyon usab niya ang iyang kaugalingon ug para mahuman kini.


6



Apan si Pablo misinggit, "Ayaw pagbuhat ug daotan sa imong kaugalingon, kay ania kaming tanan." Sa pagkakita niini sa magbalantay sa prisohan, siya miingon, "Mga ginoo, unsa may akong buhaton aron maluwas ako?" Busa miingon sila, "Tumoo ka sa atong Ginoong Jesu-Cristo, ug maluwas ka, ikaw ug ang imong panimalay."


Sa kalipay, ang magbalantay sa prisohan mituo.

7




Gibuhian pagkasunod adlaw, si Pablo ug Silas mibiyahe ngadto sa daghang ubang mga siyudad, nga nagsulti sa mga tawo mahitungod kang Jesus. Ang ubang mga tawo mituo, ang uban misulay sa pagpasakit kanila.

8



Apan ang Dios nag-uban sa Iyang mga alagad. Usa ka gabii niana, si Pablo nagsangyaw sulod sa daghang oras. Usa ka batan-ong lalaki nga naglingkod duol sa bukas nga bentana nakatulog. Makatag-an ka kung unsa ang nahitabo.


9




Nasayod ang tanan nga patay na ang batan-ong lalaki. Apan nanaog si Pablo ug gigakos siya nga nag-ingon, "Ang iyang kinabuhi anaa pa kaniya." Ilang gidala ang batan-ong lalaki nga buhi, ug sila nalipay pag-ayo.

10

Si Pablo ug Silas adunay daghang mga panimpalad samtang sila nagbiyahe sa Europe. Usa sa labing dako nga mga panimpalad ni Paul nahitabo sa diha nga siya anaa sa usa ka barko. Dili kini mga asero nga mga liner sa dagat, apan mga sakayan sa layag, nga daling malabay sa bagyo nga panahon.




11




Si Paul diha sa barko kay gidakop na usab siya. Karon kinahanglan siyang moatubang sa emperador sa Roma, ang kaulohang siyudad sa kalibotan.

12



Ang kusog nga hangin nagpahinay sa barko. Morag bagyo ang panahon sa unahan. Lisod kadto nga biyahe alang kang Pablo ug sa ubang mga binilanggo, maingon man sa mga tripulante.


13



"Mga lalaki, akong nasabtan nga kini nga biyahe matapos sa katalagman" si Pablo nagpasidaan. Wala naminaw ang kapitan. Ug sila nangadto sa dagat. Sa dihang gihapak sila sa usa ka dakong unos, gihigot nila ang mga pisi sa barko nga naglaom nga dili kini maguba. Kon maguba ang barko, kini usa ka tubigon nga lubnganan para sa tanan.


14

Ang barko gikusokuso sa bagyo nga ang kapitan mimando sa tanan sa pagtabang sa pagpagaan niini. Sa ikatlo nga adlaw, gilabay nila sa dagat ang mga gamit sa barko. Tingali makatabang kana.




15

Panahon sa kagabhion, usa ka anghel ang mibarog tupad kang Pablo nga nagsulti kaniya nga ang mga butang mamaayo ra. Ang uban nadasig sa dihang si Pablo miingon, "Paglipay, mga lalaki, kay ako mituo sa Dios nga kini mahitabo sumala sa gisulti kanako. Apan, kita kinahanglan nga mapadpad sa usa ka isla."



16


Paglabay sa pipila ka adlaw, ang sakayan napadpad duol sa isla sa Malta. Nahagsa kini sa batoon nga mabaw ug nabuak. Gimandoan sa kapitan kadtong makamaong molangoy nga molukso una sa dagat ug makadunggo. Ang uban nakaikyas usab nga luwas, ang uban sa mga tabla ug ang uban sa mga guba nga bahin sa barko.



17

Sa Malta, gipakita sa Dios ang Iyang gahum. Samtang nanguha silag sugnod alang sa kalayo, usa ka bitin ang mipaak kang Pablo. Ang mga tawo naghunahuna nga siya mamatay. Apan ang pinaakan sa bitin walay kadaot. Unya ang mga tawo naghunahuna nga si Pablo usa ka dios. Daghang masakiton ang nangabot, ug giayo sila sa Diyos human

sila giampo ni Pablo.



18

Sa katapusan, si Pablo miabot sa Roma. Milungtad og kapin sa duha ka tuig aron madungog ang iyang kaso sa korte. Nianang panahona, si Paul nag-abang ug balay ug nakadawat ug mga bisita. Nahibalo ka



ba kon unsay gisulti ni Pablo sa iyang mga bisita? Ang gingharian sa Dios! Ang Ginoong Jesu-Kristo! Si Pablo alagad sa Diyos sa Roma, sama sa tanan niyang panaw.

19

"Nakig-away ako sa maayong away, nahuman nako ang lumba, gitipigan ko ang pagtuo," sulat ni Pablo gikan sa Roma. Ang Bibliya wala magsulti kanato kon sa unsang paagi natapos ang iyang kinabuhi, apan ang ubang mga rekord nag-ingon nga si Pablo gipunggotan sa ulo didto sa Roma pinaagi sa mando sa Emperador, si Nero.

Si Pablo namatay samtang siya buhi - usa ka matitud-anon nga alagad sa Dios, nagsulti sa uban mahitungod ni Jesu-Kristo.

20

Ang Katingalahang mga Pagbiyahe ni Paul
Estorya gikan sa Pulong sa Dios, ang Biblia,
makita sa
Binuhatan 16, 27, 28

"Ang pag-abot sa Imong mga Pulong
nagahatag ug kahayag." Salmo 119:130

21

59

60

22



Kini nga estorya gikan sa Biblia nagasulti kanato bahin sa kahibulongan
nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag
Niya kini nga sala. Kamatayon ang silot sa sala. Pero nahigugma
pag-ayo ang Dios kanato. Iyang gipadala ang bugtong Niyang Anak
nga si Jesus aron mamatay sa Krus ug silotan tungod sa imong mga
sala. Unya nabanhaw si Jesus ug mibalik sa Langit! Kon motuo ka
kang Jesus ug mohangyo nga pasayloon ka sa imong mga sala,
himoon kana Niya! Moanha Siya ug mopuyo sulod kanimo karon,
ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron
mamatay alang sa akong mga sala, ug karon Ikaw nabuhi pag-usab.
Anhi sa akong kinabuhi ug pasayloa ang akong mga sala, aron
mabag-o ang akong kinabuhi karon, ug unya makig-uban ako Kanimo
hangtod sa kahangtoran. Tabangi ako nga motuman Kanimo ug
magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

23